



Inatsisartuni ilaasortaq
Sofia Geisler, Inuit Ataqatigiit

Apeqqutinut nr. 151 2018-imeersunut § 37 naapertorlugu tulluarsaqatigiinni immikkoortitserisarneq pillugu saqqummiunneqartunut akissutit

25-07-2018
Sagsnr. 2018 - 15133

Asasara Sofia Geisler

Postboks 930
3900 Nuuk
Tlf. (+299) 34 50 00
E-mail: asnnn@nanoq.gl
www.naalakkersuisut.gl

Qujanaq tulluarsaqatigiinnut immikkoortitserisarnerit pillugit apeqqutigisannut, apeqquteqaatitit uanga suliaasaqarfinnut akisassanngortinneqarsimapput.

1. Juni 2018-ip naanerani nalunaarsorneqarsimasuni matchgruppe 2-mut aamma matchgruppe 3-mut nalunaarsorneqarsimasut qassiuppat?

Akissut:

Tulluarsaqatigiinnut (matchgruppering) immikkoortitserisarnerit pillugit paasissutissat Naatsorsueqqissaartarfiup quppersagaani nassaassaapput. Kisitsisit pissarsiarineqarsinnaasut kingulliit maj 2018-imeersuupput. Taamaattumik Aatsitassanut, Suliffeqarnermut Nunamullu Namminermut Naalakkersuisoqarfiup paasissutissat kommunineersut katersorsimavai suliffissarsiortuni tulluarsaqatigiinnut immikkoortitserisarnermut juni 2018-imeersunut killiffik pillugu.

Taamalu paasinarpoq juni 2018-imi tulluarsaqatigiit aappaanni inuit 796-it nalunaarsorsimasut, tulluarsaqatigiillu pingajuanni inuit 61-it nalunaarsorsimasut.

2. Matchgruppe 2-mut matchgruppe 3-mullu nalunaarsorneqarsimasut aalajangersakkat suut aallaavigalugit tassunga inissinneqarsimappat?

Akissut:

Tulluarsaqatigiit aappaanni inuit inissisimasut nalilernerqartarput suliniuteqarfigineqarnissamut piareersimasutut, taakkua timikkut, tarnikkut imaluunniit inuttut sulisinnaassusiisa killeqarnerat eqqarsaatigalugu. Tassa imaappoq nalilernerqarsimasoq taakkua piginnaanngorsaqqinnermi,

sungiusarnermi tigussaasumik ingerlanneqartumik assigisaanilluunniit sullinneqarnissamut peqataanissaminnut piareersimasuusut, sulisussatut annerusumik minnerusumilluunniit peqataasinnaangornissamik siunertaqartumik.

Tulluarsaqatigiit pingajuat atorneqartarpoq inunnt sulisinnaangikkallartutut nalilerneqartunut, taamaalineranilu suliffeqalersinnaanerup avataaniittutut. Tulluarsaqatigiit pingajuat atorneqartarpoq suliffissaaleqisunut napparsimanermik, atornerluisuunermik imaluunniit allatigut isumaginnikkut annertuunik ajornartorsiuteqarnermik pissuteqartumik suliffeqarsinnaanerup avataaniittunut. Inuit tulluarsaqatigiit pingajuanniittut ataatsimut isigaluni innersuunneqartarput isumaginnittoqarfik aqutigalugu sullinneqarnissamut.

3. Matchgruppe 2-mut matchgruppe 3-mullu nalunaarsorneqarsimasut Nunatsinni inoqarfinnut qanoq agguataarsimappat?

Akissut:

Paasissutissat tulluarsaqatigiinni inissisimasut nunatta immikkoortuini assigiinnigitsuni qanoq inissisimanersut pillugit paasissutissat Naatsorsueqqissaartarfiup quppersagaani nassaassaasarput. Kisitsisillu kingulliit maj 2018-imeersuuneri pissutigalugit kommuninit tamaniit paasissutissanik ilassutinik katersuisoqarsimavoq, juni 2018-imut tunngatillugu. Nunap immikkoortuini kisitsisit inissisimaneri tabelimi uani ataani takuneqarsinnaapput.

Tabeli: Inuit tulluarsaqatigiinnut immikkoortitserneri kommunini juni 2018

Kommune	Tulluarsaqatigiit 2	Tulluarsaqatigiit 3
Avannaata	26	0
Qeqqata	65	42
Qeqertalik	64	1
Kujalleq	125	10
Sermersooq	516	393
Katillugit	796	446

4. Nalunaarsorneqarsimanerluni inuit matchgruppe 2-mut 3-mullu nalunaarsorneqarsimasut aalajangersimasumik sulilernissaannut suna porfiunersoq?

Akissut:

Apeqqummut nr. 2-mut akissut innersuunneqassaaq.

5. Suliffissarsiortut matchgruppe 1-mut nalunaarsorneqarsimasut tamarmik aalajangersimasumik suliffittaartarpat?

Akissut:

Akissut naatsoq tassaavoq naamik. Soorunami inuit ataasiakkaat namminneq pisussaaffigaat suliffissarsiornissaq, kiisalu piumassusilimmik suliffeqarnermut aalajangersimasumik atasuunissamut tunniusimasuunissaq.

Tamatumalu saniatigut aamma suliffissaaleqisoqarpoq assersuutigalugu aalajangersimasumik suliffissarsinnaasangitsunik, illoqarfimmi aalajangersimasunik suliffiusinnaasunik inuttaqanngitsoqanngippat. Kiisalu aamma suliffissarsiortoqartarpoq piffissat ilaanni assersuutigalugu aalisakkanik suliffissuarni suliffeqartartunik. Nalinginnaavoq suliffissarsiortut tulluarsaqatigiinni siullerniittut suliffissamik innersuunneqartarneri, Majoriamut suliffissaaleqisutut nalunaaraangamik, najukkamilu suliffissanik innersuussassaqaarsimatillugu.

6. Apeqqut 5 naaggamik akineqarpat; suummita pissutaappat matchgruppe 1-miittut suliffissarsiuussisarfinnut uterteqqittarneranni / uteqqittarneranni?

Akissut:

Inuit aalajangersimasumik suliffeqartarsimasut suliffissaaruttarnerinut pissutaasartut assigiinngitsorpassuusinnaapput. Suliffeqarfiit piffissap ilaani imaluunniit atavarnerusumik sulisuminnik ikililerisariaqartarsinnaapput, suliffiit illoqarfimmut allamut nuunneqarsinnaapput, suliffeqarfinni aaqqissuusseqqinnissaq pisariaqarsinnaasarpog, taamaattullu ilaanni sulisussanik allanik piginnaanilinnik atorfissaqartitsisoqalersinnaalluni, soorluttaaq sulisut ataasiakkat pissutsinik assigiinngisitaartunik peqquteqarsinnaasunik soraarsinneqarsinnaasartut.

Inussiarnersumik inuulluaqqusillunga


Vittus Qujaukitsoq

INUIT ATAQATIGIIT

Inatsisartuni



11. juli 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Juni 2018-ip naanerani nalunaarsorneqarsimasuni matchgruppe 2-mut aamma matchgruppe 3-mut nalunaarsorneqarsimasut qassiuppat?**
- 2. Matchgruppe 2-mut matchgruppe 3-mullu nalunaarsorneqarsimasut aalajangersakkat suut aallaavigalugit tassunga inissinneqarsimappat?**
- 3. Matchgruppe 2-mut matchgruppe 3-mullu nalunaarsorneqarsimasut Nunatsinni inoqarfinnut qanoq agguataarsimappat?**
- 4. Nalunaarsorneqarsimanerluni inuit matchgruppe 2-mut 3-mullu nalunaarsorneqarsimasut aalajangersimasumik sulilernissaannut suna aporfiunersoq?**
- 5. Suliffissarsiortut matchgruppe 1-mut nalunaarsorneqarsimasut tamarmik aalajangersimasumik suliffittaartarpat?**
- 6. Apeqquq 5 naaggamik akineqarpat; suummita pissutaappat matchgruppe 1-miittut suliffissarsioussisarfinnut uterteqqittarneranni / uteqqittarneranni?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Pingaaruteqarpoq suliffissaaleqisut sulilernissaat, taamasillutik namminerminnut inuiaqatigiinnullu iluaqutissanngortumik nalilimmik pilersitseqataasinnaalerlutik. Sulisinnaassuseqartut suliffeqarfiit isertitaqarnerulernerannik kiisalu kommunit Nunattalu Karsiata akileraarutini isertitaqarnerulernerannik pilersitseqataasarput.

Suliffeqarfiit sinerissami sumiiffinni arlalinniittut sulisinnaasunik amigaateqarput, nioqqutissiorsinnaassusiat suliffeqarfinnilu ingerlatsisinnaassusiat tamakkiisumik ingerlasinnaanissaat taamaasilluni pitsaanngitsumik sunnerneqartarluni. Taamalu isertitassaagaluanik annaasaqaataasarluni.

Kissaatigivara apeqquktikka ullut suliffiusut qulit qaangiutinnginneranni akineqarnissaat.